

[Augsburg], 5. August 1558

An Johannes Oporinus

UB Basel, Fr. Gr. I 11, fol. 219r.

Steinmann Nr. 711.

Lit.: Husner S. 153, 160.

S. P. D. Faxit Deus, vt Thermae istae tibi sint salutares, Vt positis nouus exuuijs, nitidusque
 iuuenta reipub[licae] literariae diu inseruire possis. Xyandro nostro et coniugium et
 conditionem Heidelbergensem Deum fortunare volo, operamque dabo, vt conuersio Cedreni,
 noui mariti domum honesta supellectile exornet. Res sanè adhuc incerta est, sed spes non
 parua. Quae de tuis editionibus scribis, iucunda mihi sunt. sed Imperatorum Cuspiniani et
 philosophicorum Ciceronis commentariorum editio longè iucundior fuisse. τὰ χωνιάτου
 παραλειπόμενα ex triente absolu*i*. Per me non staturum confido, quo minus ad Cal[endas]
 Septembbris semissem operis accipias, quem antequam excuderis, alter semissis ἀν θεὸς ἐθέλῃ
 sequetur. vt ad prox[imas] Cal[endas] Martias Francofordiae prostet Νικηφόρου γρηgorᾶ
 χρονικὴ σύνταξις ιστορίαν περιέχουσα ἐτῶν ἑκατὸν πεντήκοντα μετὰ τὴν τῆς
 κωνσταντινουπόλεως ἄλωσιν ὑπὸ λατίνων. Hoc opus vbi absoluero, primus erit labor Zonarae
 et Choniatae correctio. alter (sed vitam et patronum mihi defore auguror) τῶν ὑπολοίπων
 ῥητόρων conuersio, eorumque qui conuersi a me sunt expolitio, et breuibus annotationibus
 illustratio. Nam commentariorum spem iampridem abieci. etsi sanè operam et dedimus et
 dabimus, vt qui conuersionem nostram cum graecis contulerit, commentarios non magnopere
 desideratus esse videatur. Spem meam quottidiana et varia impedimenta debilitant. Alioqui
 operam darem vt vetustis graecis oratoribus regia et charta et charactare graecè latineque cum
 annotationib[us] meis tua solerti opera editis, immortale vtriusque nostrum monimentum, et
 Bibliothecarum ornamentum extaret. D. Tonnerus te amanter salutat. Vale. Nonis Augusti
 1558.

Hiero[nymus] Wolfius
 Tuus.